

AD QVODLIBETARIAM QVÆSTIO MEDICA. MATVTINIS DISPVATIONIBVS AGITANDA IN SCHOLIS MEDICORVM, DIE IOVIS XXV. IANV.

MAGISTRO ANTONIO LE RAT, DOCTORE MEDICO MODERATORE.

An Hepatitidi Catharsis?



NSIGNIS morborum causa duplex, Plethora, Cacochymia. Illa in venis potissimum: hæc per totum diffunditur corpus. Suum vtrique remedium solenne, Plethoræ Phlebotomia, Cacochymia Catharsis. Illa prior, tutior, facilius mistum humore vtili vitiosum vacuat, è directo prorumpentem reuellit, proximè deriuat: hæc periculosior, operosior, maioris artis primò vitiosum, medicamenti non materià, cuius actio nulla; non præsentia forma, quæ nobis ignota; non manifesta virtute elementorum, quæ in mistis qualitate non sibi aduersantur; non substantia similitudine, quæ talis efficax nulla; sed vi cælitus immixta natiuo calore sibi congenerè adiutà secernit attrahitque.



TRAQVE non promiscuè sed cautè ac prudenter vsurpanda. Venæ sectio morbi & virium rationem habet: Purgatio humoris speciem, qualitatem, sedem, motum expendit. Illa morbos à sanguinis vbertate, eruptione præsentès sanat, impendentes arceat, febrem continuam, vtramque synochum, partium phlegmonas, hæmorrhoidum, mensum suppressiones: hæc humorum perniciem, corruptelam, totius corporis cachexiam exhaurit; tametsi, vt pueros, senes, vtero gerentes, candidà teneràque carne præditos parcè phlebotomia; sic qui multà cruditate laborant, qui crassos tenacesque cibos assumpserunt, quibus intenta, igneque illa, & qui aliquà viscerum inflammatione corripiuntur purgatio non attingit.



ECVR pars princeps & omnium prima, alimenti author & œconomus, aliarum partium, si bellè habet benevolentia; si malè querelis obiectum, tum suo, tum earumdem vitio Plethorà & Cacochymia facilè tentatur. Alijs enim plus, citius quam par sit exigentibus: alijs non quantum, non quale, non quando, non qua ratione decet suppeditantibus; alijs ductus ad illud, ab illo intercludentibus: alijs coluiem pigrè expurgantibus: innatà etiam aut inductà intemperie nascitur cuiusvis humoris prauitas seu exuperantia; vnde imbecillitas, atonia, hydrops, nulla seu praua partium nutritio, quæ impio scelerum dant sanguine pœnas. Quin & ipsum de suo plerumque sibi dolio hauriens sanguine venas ingurgitat, qui per earum vel poros vel oscula eruptus in parte caua, gibbà, vtràque colligitur, conglobatur, putrescit, inflammatur.



VID inde iam proximus ardet Vcalegon: dat ampla ruinam Vulcano superatè domus: artus depascitur arida febris: indomitas ingens dolor excitat iras: somnus ferè nullus, spirandi difficultas, tussicula inanis. An eadem ex vtriusque partis phlegmone symptomata? Ex còuexè difficilior respiratio, tussis manifestior, dolor a cutior & magis ad iugulum vergens, nec ineptè pleuritidem, quæ paulò pleniorè victum postulat quam hepatitis ementitis: ex caue nausea, cibi fastidium, æruginosa aut vitellina bilis vomitio, & si spes nulla super sit singultus apparebit. Si verò in vtraque inflammatio, vtriusque æqualiter symptomata elucescent. Verùm calamitosior semper in caua quam in gibba hic affectus ægrum intra quartum aut septimum diem, si summus sit, nec bonitate naturæ hæmorrhagia liberalis superuenit sublaturus.



VID in ea calamitate moliendum? quæ ratione reuocanda salus? an naturæ opus committendum? frustra. Quod viscus partes ceteras solari solebat, ipsummet consolatione eget. Ex quo gratiofus partibus alendis exudabat vapor, agit rimas, & succis aret ademptis. Extinguendum quamprimum fieri poterit incendium nec addito, sed adempto humore; vena secanda basilica dextra vel mediana, etiam saphena, non saluatella (purgandus proximus venter, vas proximum secandum): cibibus frigidus humidus, prifana, pulli iuscula, quandoque inedia præscribenda: potus sit non vinum, non melicratum, non aqua frigida sed decoctionis hordei: clysteribus leniatur & refrigeretur aluus: caue ne per hostem amicum vulnes, & extinguendo calorem, calorem extinguas. Nullus hic Catharsis locus? nullus à Cathartico non nisi exudatio feri, quæ inflammationem non tollit: verendum ne acrior reddatur humor, & noui in partem prolapsu nouam patiat in iuriarum hepar.

Ergo hepatitidi non Catharsis.

Asserebat Lutetiæ IOANNES DOSSIER Const. Rector Vniuersitatis. Ann. R. S. M. DC. XVIII.

DOMINI DOCTORES DISPVATVRI.

M. Francisus Guenault.
M. Michaël Francier.
M. Ioannes Merlet.

M. Gabriel Harduin de S. Jacques.
M. Michaël de la Vigne.
M. Ioannes Tournier.

M. Iacobus Letus.
M. Ioannes Riolan. P. R.
M. Andreasle Gros.

